

06 DECEMBRIE

RUGACIUNEA 4

SF. IERARH

NICOLAE AL MIRELOR LICHIEI

Молитва

О святой и прехвальный пастырю наш Николае, отче преблаженный, заступниче преславный, в милостех великий Чудотворче, призри с высоты небесныя на нас, потемненных грехми, паки ныне припадающих к тебе и молящих тя: просвети души и сердца наша светом славы твоея, согревающа их лучами Божия благодати.

Воззри милостивым твоим оком на нас, милости твоея недостойныя. И якоже древле благоволил еси отцем нашим, имже исцеления неоскудно источал еси от сея иконы твоея, тако и ныне посети нас милостию твоею, пролей многоводную реку благодеяний всем, с верою притекающим к сему неистощимому источнику чудес - ко пречестному образу твоему; пред нимже преклонша колена смиренно молим тя: о великий и предивный Чудотворче - всем всяк ты был еси, но и не только был еси, но и ныне есть и во веки будеши - правилом веры, образом

кротости, воздержания Учителю, добродетелей
светильниче, скорбящих - утешителю, бедных и
несчастливых - нетленное богатство и вечное
счастье, недужных и болящих - безмездный
целителю и скорый врачу, плавающих и
путешествующих - надежный кормчий и
путеводителю, сирот и вдовиц - милостивый
питателю, невинных младенцев - Ангел
Хранителю, юных чад - добрый наставниче,
старосте беспомощные - помощи и силы,
обуреваемых - пристанище, заблудших -
исправление и о всех грешных теплый ходатай и
предстателю пред Богом.

Всем еси во всякой нужде пособствуеши и все
на пользу и добро нам выну устрояеши. О, кий
язык возможно по достоянию прославить величие
чудес твоих, ими же весь мир преисполнил еси!
Како и кийми словеса благодарения восхвалим
тебя, теплый наш молитвенниче! - не ведем бо, но
приими сию нашу молитву и славословие, тебе
возносимые, яко ничтожнейший залог
благодарения от неблагодарных рабов твоих. Не
разумеет бо твоих славных деяний о нас сущих -
ты бо сам восхотел утешение великое нам послать -
чудотворный образ свой, егоже изволили еси
пренести быти издалеча во град сей,
прославляющая, не токмо сие место избранное
тобою, но и всю страну нашу, юже огради и
спаси от нашествия иноплемеников и

междоусобныя брани, от труса, потопа, огня и
глада и от всякаго зла, действующя по
наущению диаволу. Ниспошли нам мир и
тишину, благорастворение воздухов, земли
плодоносие и всем людем твоим подаждь
благоденствие, здравие телесное и душ спасение
и во всех добрых начинаниях их благое
поспешение.

Вемы бо, яко много может молитва твоя пред
Господем нашим, и сего ради припадающе
вопием ти: услыши нас, заступниче преславный,
виждь слезы и воздыхание, не отрини нас
грешных, уповающих на неизреченное
милосердие твое, силою свыше укроти,
богомудре, жизни нашея бурное море егоже
горькия волны несчастий и бед потопляют бо
нас, туманный мрак искушений и соблазнов
окутывают всю душу и сердце наше, егоже
глубина великая - сия суть страшная бездна
грехов и беззаконий наших, в нюже впадаем на
всяк день и час, творя неправды во всех путех
своих.

Умилосердися над нами, Угодниче святой,
подаждь нам погибающим руку спасения,
исторгающа из страшной пучины моря сего;
тебе бо благодатию Христовою повинуются и
море, и воздух, тебе стихии земныя слушают,
тебе и злыя силы трепещут, избави же от вечныя
погибели души наша, их же тебе вручая, молим

тя: буди нам, заблудшим овцам - пастырю добрый, храняща нас от ловления, паче же от растерзания страшнаго льва - губителя душ человеческих - диавола, иже рыкаяй ходит, иский кого поглотити, сам буди нам Ангел-наставник, спасая нас от всякия нужды и печали.

Умоли о нас Человеколюбца Бога, да подаст нам прощение и оставление грехов и прегрешений наших, а по кончине живота нашего сподобится радостнаго слышания сладчайшаго гласа Господа нашего Иисуса Христа:

"Приидите, благословеннии Отца Моего, наследуйте уготованное вам Царствие от сложения мира. Возрадуется и возвеселится днесь и присно, и во веки веков. Аминь".